


Phwandu ya Pinyama Pya Nyanga

(A Festa dos Animais com Chifres)



Língua: Cisena

Gwa pyacitwa

Pyacitwa na ndzou,
nkulu wa pinyama
pyonsene pya ntsanga.
Ntsiku inango, ndzou
acita phwandu. Iye
acemera pinyama
pinanyanga basi. Sulo
azibva mphangwa zenezi.
Iye atoma kutsukwala.
Anyerezera kuti:
“Ndinaidyambo tani
phwandu eneyi”. Iye
alonga kuti: “Ndinacita
tani?”



Ndinasaka nyanga na upula
mbandizimedita munsolo mwanga.
Ndingamala ndidye nawo pabodzi
phwandu yawo. Penepi iye
apicitadi.

Abuluka mbaenda ku phwandu.
Pidafika iye kweneku adya. Amwa,
mbaledzera mbagona pa dzuwa.
Pidagona iye pa dzuwa, upula
wanyunguluka. Nyanga zagwa.
Andzace aona kuti nyanga zagwa.
Acemera nyakwonera phwandu,
mbampanga kuti:

- Lang'anani, nyanga za sulo
zagwa. Zikhali zakumedita na
upula.

Nyakwonera phwandu pidaona iye
penepi aipirwa. Aphata makutu a
sulo, mbaakwewa na mphambvu.



Lero, tingaona sulo na
makutu akulapha,
abulukira penepo.

Mibvunzo:

1. Mbani ndzou?
2. Acita tani sulo toera adyembo phwandu?
3. Thangwi yanji sulo anamakutu akulapha?



Ficha Técnica

Título: Phwandu ya Pinyama Pina Nyanga
(A Festa dos Animais Com Chifres)
(The Party of Horned Animals)

Língua: Cisena

Ilustrações: Art of Reading 2.0

Primeira edição electrónica, 2010

Produzido por: Prodelise
lidemo.net@gmail.com
C.P. 652
Nampula, Nampula
Moçambique

O utilizador pode copiar e distribuir a obra.

